

Landesbibliothek Oldenburg

Digitalisierung von Drucken

**Bibliotheca Smithiana, Seu Catalogus Librorum D. Josephi
Smithii Angli Per Cognomina Authorum Dispositus**

Pasquali, Giovanni Battista

Venetiis, 1755

Alexander Benedictus Veronensis Physicus

urn:nbn:de:gbv:45:1-844

diffusa, neque succincta nimium, neque affectata denique videatur, ut legentium animos vividius penetret, aut excitet. Acriter item proponere debet, vehementius persuadere, irritare, urgere, suadere item & dissuadere, exemplis frequentibus animos inflectere. Hæc omnia iis præponenda sunt, qui imperii tui gesta veluti romani nominis restituentis descripturi sunt. Ego simplicius quædam quæ in dies gesta sunt annotavi, minime in gratiam adulator, vel in damnando nimis severus. Res hostiles debita commendatione non defraudo, ut magis narrator, quam censor acer & tetricus esse videar. Verbis & sensu restrictus incedo. Scio etiam quosdam jejune hanc historiam tetigisse, vel pauca vera demonstrasse, alios copiosiores ad vanitatem redeigisse. Hæc enim humanissime Princeps, nitidiora melioraque fieri curabis, qui in rebus publicis Marcum fratrem tuum optimum Principem imitatus es, qui non minus intestinam quietem quam foris bella cum opus est, fovet; & civitatem miro studio uberius reddis pater patriæ appellatus, leges sanctissimas condidit, munera in Senatu amplificans. Quadraginta viros peritos addidisti, Imperatoribus statuas publicare cœpisti, palatium miro ornamento extruisti, & universam Urbem exornas: tuo demum ductu & optimis auspiciis rabies gallica perdomita est. Tuo consilio, ingenio & armis Gallorum truculentia ultra alpes coercita sævit; quam natura sagax (dicere id solitus es) alpium mirabili septo, & inexuperabili munimento a mitiori orbis parte diduxerat, ut pacem quam tantopere amas cum sanctissimo Senatu tuo amplectereris. Tu in hoc flagrantissimo bello Imperii terminos longius protraxisti. Jam Apulus te & Senatum tuum voti compos summis adorat & colit. Hæc enim faciunt, ut te magis ad Principatum divina ratione, quam Senatorum suffragiis delectum fuisse posteritas admiretur. Vale.

Venetis, duodecimo Kalendas Aprilis, Anno MIIID.

Ad calcem Voluminis

ALEXANDER BENEDICTUS VERONENSIS PHYSICUS

Sebastiano Baduario Equiti, & Hieronymo Bernardo Consiliariis Veneri Senatus Clarissimis S. P. D.

BELLI Gallici libri, excellentissimi Consilarii, qui nuper studiosissime recogniti sunt, in vulgus prodire audent, nec popularem censuram languidæ auctoritatis verentur discussis rebus omnibus. Verum multa de industria prætermisimus periculis undique obviis, quæ tamen non sine magna quorundam nota dici potuissent, etsi ad Senatus hujus perennem gloriam pertinere non dubitaverimus. Vulgatissimum enim est, veritatem odia parere, & necem sæpenumero maturare: unde in plerisque rebus conscientia vis illa elanguescit, emoriturque; abducuntque in diversum vel inclinant scriptorem præsentia discrimina; temerarii item animi esse putant hominem non sibi ignoscere. Connivere igitur paululum pro tempore opus fuit, donec posteris alii confidentius apertiora sine metu relinquunt, quum ossa ac cineres iniquorum rabiem contemnant. Nos tamen intentionem non occultamus, quum strabonem quempiam, petum, vel claudum alium, infirmum talis parcius appellamus. Nostra igitur simplicitate contenti has ephemerides contractius expeditiusque conscripsimus, quas cum in castris essemus promissimus, & ea tam diligenter quam libenter in tantis occupationibus colle-

